

Na osnovu članova 13. i 33. j) Zakona o osnivanju Nezavisnog operatora za prijenosni sistem u Bosni i Hercegovini ("Službeni glasnik Bosne i Hercegovine", broj 35/04), člana 25. Statuta Nezavisnog operatora sistema u Bosni i Hercegovini te u skladu sa ENTSO-E pravilima i preporukama, generalni direktor Nezavisnog operatora sistema u Bosni i Hercegovini, donio je

PRAVILNIK
o radu Komisije za reviziju rezultata testova usaglašenosti rada proizvodnih objekata na elektroprijenosnoj mreži

Član 1.

Ovim Pravilnikom uređuje se rad Komisije za reviziju rezultata testova usaglašenosti rada proizvodnih objekata na elektroprijenosnoj mreži BiH kao i procedure koje prethode radu Komisije za reviziju.

Član 2.

- (1) Testovi usaglašenosti pripremljeni su u skladu sa ENTSO-E pravilima i preporukama te Mrežnim kodeksom BiH.
- (2) Testovi usaglašenosti iz stava (1) ovog člana nalaze se u prilogu ovog pravilnika i čine njegov sastavni dio.

Član 3.

- (1) Testovi usaglašenosti provode se tokom važenja Privremene saglasnosti za pogon, a u svrhu dobijanja saglasnosti za trajni pogon, u skladu sa Mrežnim kodeksom.
- (2) Testovi usaglašenosti provode se i nakon bilo kog kvara ili zamjene opreme koja može imati uticaj na usaglašenost, kao i tokom životnog vijeka objekta korisnika, na opravdan zahtjev NOSBiH-a.

Član 4.

Testove usaglašenosti vrši pravni subjekt kojeg je angažovao korisnik, uz prethodno odobrenje NOSBiH-a.

Član 5.

Da bi dobio prethodno odobrenje NOSBiH-a, pravni subjekt koji će obavljati testove usaglašenosti treba imati akreditaciju koju izdaje akreditaciono tijelo potpisnika MLA/BLA (multilateralni/bilateralni sporazum).

Član 6.

Korisnik, nakon obavljenih testova usaglašenosti, NOSBiH-u dostavlja izvještaj koji ovjerava subjekt koji je proveo testove usaglašenosti.

Član 7.

U izvještaju su moguća izuzeća od pojedinih testova iz člana 2. ovog pravilnika, uz argumentovano obrazloženje.

Član 8.

Generalni direktor NOSBiH-a svojim rješenjem imenuje članove Komisije za reviziju koja se sastoji od predstavnika NOSBiH-a.

Član 9.

Članovi Komisije za reviziju mogu prisustvovati izvođenju testova usaglašenosti na lokaciji novog proizvodnog objekta.

Član 10.

Komisija za reviziju donosi zaključke i daje mišljenje o rezultatima testiranja koje može biti pozitivno ili negativno. Ukoliko je potrebno, komisija, investitor i subjekt za provođenje testova mogu organizovati sastanak u cilju pojašnjenja određenih rezultata testova ili eventualnog ponovnog provođenja određenih testova, ako se radi o negativnom mišljenju komisije.

Član 11.

Konačno mišljenje o izvještaju o provedenim testovima se u pisanoj formi dostavlja korisniku i stručnom subjektu koji je obavio testove usaglašenosti najkasnije 15 dana od dana prijema tog izvještaja.

Član 12.

- (1) NOSBiH će na osnovu pozitivnog mišljenja Komisije za reviziju izdati saglasnost za trajni pogon, u skladu s Mrežnim kodeksom.
- (2) Ukoliko je Komisija za reviziju dala negativno mišljenje, ostavit će Korisniku primjeren rok za ponovno obavljanje testova usaglašenosti u skladu sa primjedbama članova Komisije za reviziju.

Član 13.

Donošenjem ovog pravilnika prestaje da važi Pravilnik br. 786-1/15 od 04.08.2015. godine.

Član 14.

Ovaj pravilnik stupa na snagu danom donošenja te će biti objavljen na web stranici NOSBiH-a.

Broj: 133-1/16

Datum: 25.01.2018.



Generalni direktor
Mr. sci. Josip Dolić